

## OKPOSỌN ABASI JACOB

Isaiah 41:8-18; 42:1-8; 43:1, 2

OYOHỌ UKPEP-ŃKPỌ 366

Eke Mkparawa

IKỌ IBUOT: “Kufehe; koro ami mfakde fi” (Isaiah 43:1).

### Edimek Eke Abasi

Abasi ọfiok ini eke enye ọdọnde ikọ nsọnọ-idem ọnọ ikọt Esie. Enye ama eti mmọ ebe ke Isaiah, anditiñ ntiñ-nnim ikọ, abaña ukpeme ye uñwam emi Enye ọkọnwọnọde. Okposuk edi eketiñde mme ikọ emi enọ nditọ Israel, ubon Abraham, nnyin ñko, emi ema ekefak, imenyene ebuana ke mme eñwọnọ emi. Ekeme ndikot mmọ emi efakde Israel eke Spirit. Kpa nte Abasi okokotde Nditọ Israel ete edi ndimek ikọt Esie, ntre ñko Enye onyuñ okot nnyin kiet-kiet ndidi mme anditiene Enye.

Kere baña utọ ifet oro, ndidi enye emi Abasi emekde! Ediwak owo esima mme ufan ekot mmọ man edida ata saña-saña itie. Ke ini ebrede mbre, nditọ esima emek mmọ. Edi Abasi ndimek owo edi ata utibe. Tim kere Abasi enyọñ ye isọñ ndise nnyuñ ñkot fi nsio ke otu ediwak owo. Abasi okot owo kiet-kiet ke ini kiet me eken, edi Abasi emek owo eke ededi eke eyerede ikot oro.

### Asaña Utom

Abasi ọdọhọ ete “Afo . . . edi owo mi.” Oro edi itie eke Abasi okotde nyin kiet-kiet esin. Asaña-utom edi enye emi ekpedekpe ndinam utom nnọ owo eñwen. Abasi oyom nnyin inam utom inọ Enye. Ndusuk ini owo ikpehe nnyin okuk, edi Abasi ọnọ nnyin ediwak edidiọñ ye mme eñwọnọ. Eneñere esọnọ nnyin idem ñko ete iyebọ utip edieke nnyin inamde akpanikọ. “Mmọ kiet-kiet eyenyuñ ebọ utip mmọ, nte ekemde ye utom mmọ” (1 Nwede Corinth 3:8).

Ndusuk owo iyomke ndida itie asaña-utom. Mmọ ekam eyom ndidi mme ada ibuo. Edi Ikọ Abasi ekpep ete ke ekefak nnyin man isaña utom inọ mbio eñwen. Edieke owo miyomke ndinam utom Abasi, enye ikemeke ndidi anditiene-Christ. Nte afo omoyom ndidi asaña-utom Abasi, oro edi ndinam utom nnọ Enye, ndinyuñ nnam se Enye ọdọhọde fi ete anam?

Edi utibe ifet ndidi asaña-utom Abasi. Andiwet Psalm ọdọhọ ete: “Mmemek ndida ke asañudọk ke ufọk Abasi mi, akan ndiduñ ke mme tent mme oburobut owo” (Psalm 84:10). Joshua ọdọhọ ete, “Ama edi ami ye ufọk mi, nnyin iyenam ñkpọ Jehovah” (Joshua 24:15). James ye Paul, mmọ kiet-kiet ekot idem mmọ asaña-utom Jesus Christ (James 1:1; Nwede Mbon Rome 1:1). Ema esian mbon Abasi se Abasi oyomde oto mmọ: “Eribak Jehovah Abasi fo, nnyuñ nsaña ke kpukpru usuñ esie, nnyuñ mma enye, nnyuñ nnam ñkpọ Jehovah Abasi fo, ke ofuri esit fo, ye ke ofuri ukpọñ fo” (Deuteronomy 10:12).

### Uñwam Ye Odudu

Abasi ama ọnọ mme asaña utom Esie ediwak eñwọnọ. Ama ọdọhọ ete, “ kudidighe ...kunyek idem...nyesọnọ fi idem; nditreke ndimum fi ñkama”. Mmọñ ke owo ekeme ndikut utọ eñwọnọ oro?

Ewet ke 1 John 4:18 ete, “Ima eke ọfọnde ama ebin ndik efep”. Ima eke ọfọnde ama edi ima Abasi. Edieke inyenede ima Abasi ke esit nnyin, nnyin ibuo idem ye Abasi utu ke ndifehe ndik ke ñkpọ eke ekpetibede. Edi nditọ Abasi ikohokoi inam mme enyene-ndik ñkpọ, inyuñ inamke inua ite ke ifeheke ndik.

Daniel ikenamke inua ite ke imọ ifeheke mme ekpe, inyuñ isañake ikoduk ke obube mmọ “ndiwut idem.” Daniel ọkọbọñ akam, ndien ke ini mme idiok owo etopde enye esin ke obube ekpe, Abasi ama okibi mme ekpe inua man mmọ ekunam enye idiok (Daniel 6:22). Ke ini ubom Paul okosipde ke isuo Melita, enye ikekohokoi iyak idiok urukikọt oro odom enye. Ke adañemi enye atañde ifia esin ke ikañ, ibom ọwọrọ ediyire Paul ke ubok. Nte ededi, Paul ama ọbọñ akam. Utu ke ndikop ndik ke esit esie, Paul ama ọfiok ete ke Abasi eyekpeme imọ. Ke ini mme owo ekutde nte urukikọt oro “eyerede enye ke

ubok” mmọ ema ekere se idiokde ikan nditibe. Sia Paul mikoduohọ ikpa ini kiet, ubok esie mikonyuñ ifutke, mmọ ema efiok ete ke ekedi utibe-ñkpọ. Abasi ama ekpeme Paul “ñkpọ inyuñ inamke enye” (Utom Mme Apostle 28:5). Paul okobuot idem onyuñ anam ñkpọ onọ Abasi. Edi Paul okodohọ: “Imofioke ite kpukpru ñkpọ esaña otọ kiet enam ufọn enọ mmọ eke emade Abasi, kpa mmọ emi ekotde nte ekemde ye uduak Esie” (Nwed Mbon Rome 8:28).

Obon ama anwam onyuñ osonọ ediwak owo idem. Mmọ enyene mme ikọ-ntiense emi: “Mmenyene ukeme ndinam kpukpru ñkpọ ke odudu Andisonọ mi idem” (Nwed Mbon Philippi 4:13); “ukpon nnyin ebobet Jehovah: enye edi andinwam nnyin ye otu-ekon nnyin” (Psalm 33:20); “Jehovah edi Andinwam mi, ndifeheke ndik: Nso ke owo edikeme ndinam mi?” (Mme Hebrew 13:6); ye “Enye emi odude mbufo ke idem okpon akan enye emi odude ke ererimbot” (1 John 4:4).

### **Idok**

Eda ndinam utom nnọ Obon edomo ye idok. Nnyin imekeme nditan mme ebek ndinim ke ukot Ete ufok nnyin. Nnyin imekeme nditan nti mkpasip nte nnyin idade mme ukpon isok Enye. Ke inwan ibokpot, ana nte esibe mme itak mmọ, enyuñ etan mmọ ebop nte ebek. Man oto do esiono mkpasip ke ebek, ana nte ebek mmọ, mme ebahare mmọ esio ke etuek. Abasi etin ete ke imọ iyenam ikot Imọ edi “ukpat-ñkpọ ubek ibokpot eke osopde, edi obufa enyene ediwak iso.” Itaha ñkarafan! Ibeheke edet inyuñ itipke!

Idem ñkpọ utom emi edide obufa, emi esemde onyuñ osopde, inamke akwa ufọn edieke owo midaha enye inam ñkpọ. Ana nte eda enye enam utom. Ana nte inam utom inọ Obon, inyuñ idu ke unyime esit man oto do Enye akpada nnyin anam utom onọ Idem Esie. Nnyin imekeme ndibon akam nnọ mmọ efen. Nnyin imekeme nditan ikọ-ntiense. Nnyin imekeme nditan mbaña Jesus nnọ mmọ efen. Nnyin imekeme ndikot mmọ edi ukpep-ñkpọ ke Usen-Obon ye mme mboho eken. Nnyin imekeme ndikwọ ikwọ nnọ Obon. Ediwak ñkpọ edu emi nnyin ikemede ndinam nnọ Abasi ye owo. Nte afo ke anam ñkpọ ke inwan idok Abasi me afo ada ke mben okọ nte ñkpọ utom emi owo midaha inam utom?

### **Uñwana**

Jesus ekedi ndinyaña nnyin nsio ke mme idiok-ñkpọ nnyin (Matthew 1:21). Enye ekedi ndiyom nnyuñ nnyaña se isopde (Luke 19:10). Jesus ekedi nte unwana onọ ererimbot (John 12:46). Mme andidun ererimbot ekedi nnan ebaña mme ñkpọ Abasi. Mmọ eketie ke ekim ke ñkañ Spirit. Ke ini Jesus ekedide, enye akada unwana edi ke ñkañ Spirit. Enye ekedi unwana oro. Enye ama okpok mmọ emi edude ke ñkpokobi idiok-ñkpọ ayak. Jesus ama anam utom emi ekenimde enọ Enye ndinam. Enye okoduñ mi ke ererimbot ndikpep, ndinwam, ndikok mme udonọ, nnyuñ ndi eti uwut-ñkpọ nnọ nnyin. Enye iketreke ndinam utom Esie. Enye ama ayak uwem Esie, onyuñ oduok Iyip Esie man oto do mmọ emi edinimde Enye ke akpanikọ enyuñ enamde ñkpọ Esie ekpenyene nsinsi uwem. Ke akpa ifet Jesus ekedi onọ ikot Esie ye oruk Esie, oro edi mme Jew, edi mmọ ikenyimeke Enye. Enye ndien eberede usuñ onọ kpukpru mme idut eken.

### **Eñwofon Abasi**

Obon ikobotke owo inyuñ isana enye iyak ntre, edi enye ama asiak usuñ man afak owo. Mmọ emi enyanade edi mmọ emi efakde enyuñ eduride mmọ esio ke ebuka, enyuñ enyanade mmọ esio ke idiok. Jesus ama ekpe ekom-urua onyuñ edep nnyin ke iyip Esie emi okoduohode ke ini Enye akakpade onọ nnyin. Nditọ Abasi edi ñkpọ uto ke enyin Abasi. Oro edi ntak emi Enye ekpemedede mmọ. Abasi okodohọ ete afo edi okimmọ.

Akananam Abasi inwonke ifure-ifure uwem inọ ikot Esie edi Enye anam mmọ efiok ete ke mme idomo eyedu. Ke kpukpru mme idomo Enye eyedu ye ikot Esie. Mme ikọ Esie edi “ke ini

afo edisañade ke mmõn ebe, ami nyedu ye afo; ...ke ini afo edisañade ke ikañ udufõbõke.” Nte emi õwõrõ ete eke mmõn ikemeke ndifuk ikõt Abasi, ikañ inyuñ ikemeke ndita mmõ? Ih ih, emi iwõrõke ntre. Emi etiñ abaña “mmõn ndutuhõ (Isaiah 30:20) ye ikañ-ikañ idomo” (1 Peter 4:12). Mme ini ekeme ndidu emi etiede nte kpukpru ñkpõ ifõnke ye afo, ndien mme afanikõn ekan fi ekuk. Ekeme ndituk fi ke idem nte mmõn ekan fi ekuk me nte afo odu ke ufõt ikañ. Edi Qõõn õñwõõn ndidu ye afo.

### **Ndisañ Ke Mmõn Mbe**

Ke akpanikõ, ndusuk nditõ Abasi ema esaña ebe ke mmõn ye ke ikañ, edi Qõõn ama ekpeme mmõ. Ke ini oyobio ke akpa mmõn, ubom Paul ama osip. Abasi ama ekpeme uwem Esie, ye uwem kpukpru mmõ emi ekedude ye enye. Ndukus ema ewõk ekesim isõn, ndusuk efiõrõ ke enyõn obukpõk (Utom Mme Apostle 27:43, 44). Ke ini Jonah okoyomde ndifehe ñkpõn iso Abasi, ema etop enye esin ke inyañ edi Abasi ama ebeñe akamba iyak ndimen enye mmen (Jonah 1:15, 17). Ke ini Jonah eketide abaña Abasi onyuñ õbõñde akam, Abasi ama anam iyak oro õkpõhi Jonah odori ke erisat isõn (Jonah 2:10).

### **Ndibe Ke Ikañ**

Ema etop nditõ Hebrew ita, Shadrach, Meshach ye Abed-nego esin ke obube ikañ koro mmõ mikatuakke ibuot inõ mbiet owo O-gold. Edidem ama obup ete “Ndien ewe Abasi odu eke edikemed ndinyaña mbufo nsio mi ke ubõk?” Mmõ ema ebõrõ ete ke Abasi mmimõ emekeme ndinyaña mmimõ, edi edieke Enye minyañake mmõ ke utõ ini ntre, mmõ eyekop uyo enõ Abasi idinyuñ ituakke ibuot inõ ndem. Ikañ emi ofiopde utim ikatiaba akan nte esidide ama owot mmõ emi ekenõde uyo ete emen nditõ Hebrew ita owo etop esin do. Edi ikañ ikataha owo ita oro, “ke inyuñ ifrike mmõ baba idet ibuot kiet, õfõn ukot mmõ inyuñ ikpuhõkede, baba utebe ikañ inyuñ isimke mmõ” (Daniel 3:27). Abasi ama odu ye mmõ onyuñ anyaña mmõ.

Andiwet Psalm ama etiñ abaña uñwam Abasi õnõ nditõ Israel: “Afo ayak owo odoro nnyin ke ibuot; nnyin ikoduk ke ikañ ye ke mmõn: Ndien afo ada nnyin õwõrõ õnõ ediwak inyene” (Psalm 66:12). Oro edi ntak mmõ ekenyenede nsõnidem ndikõm Abasi nnyuñ ntoro enyiñ Esie! Nso utõ õkpõõn ye Abasi akpanikõ ke Nditõ Israel ekenyene! Enye emi nnyin inamde ñkpõ inõ edi kpa ukem õkpõõn ye Abasi akpanikõ oro! Enye odot se nnyin ikpotorode.

### **MME MBUME**

- 1 Nso idi ukpuhõre emi odude ye mmõ emi Abasi “okotde” ye mmõ emi “emekde.”?
- 2 Anie owo ekedi Israel?
- 3 Didie ke nnyin ikeme ndidi Israel ke Spirit?
- 4 Tiñ ini emi Abasi akañwamde fi.
- 5 Anie edi asaña-utom?
- 6 Nso idi iñwañ idõk?
- 7 Nso ke eyen-õwõn akpanam ke iñwañ idõk eke Abasi?
- 8 Mme anie edi Mme-idut (Gentile)?
- 9 Nso idi ntak emi mmõ eyomde “Uñwana”?
- 10 Anie owo ekeme ndibõ mme eñwõõn Abasi nnyene?